

60-ԱՄՅԱԿ

Լրացավ Հայ Եկեղեցու բազմա-
վաստակ հոգևորականներից մեկի՝
Գերաշնորհ Տ. Մեսրոպ արքեպիսկո-
պոս Աշճյանի ծննդյան 60 և քահա-
նայագործության 40-ամյակները: Այս
բազմաօժտված և բոլորամյակ հայ
հոգևորականի մասին միայն կարելի է
ասել հետևյալը՝ իր թույլտվությամբ
դիմելով իրեն:

Սիրելի՛ Սրբազան Հայր.

Ձեր 40-ամյա աստվածընծա ծա-
ռայության ընթացքում, լինի սփյուռ-
քում, թե հայրենիքում, ճանաչվել ու
ընդունվել եք որպես նվիրյալ կրոնա-
վոր-մտավորական: Վարչական ու
կազմակերպական տարբեր պաշտոն-
ներ եք վարել, եղել եք ճեմարանի տե-
սուչ, թեմակալ առաջնորդ, 1700-ամյակի տոնակատարությունների կրոնական



հանձնախմբի վարիչ-տնօրեն, երբեք չեք դավաճանել Ձեր ստեղծագործ էությանը,
նաև գրչով ծառայել եք ազգային-կրոնական մշակույթի զարգացմանը: Ձեր գրչին
պատկանող տարբեր գրվածքները, հայերեն լինեն դրանք, թե անգլերեն, նվիրված
են եղել Հայոց Եկեղեցու պատմությանն ու նվիրապետությանը, հայ միջնադարյան
մշակույթին: Թարգմանական աշխատանքներն ու մտազորություններն իրենց գրա-
վիչ, անմիջական ոճով մեծ հետաքրքրությամբ են ընթերցվել: Մեծ է դրանց ճանա-
չողական արժեքը:

Հայ մշակույթի նկատմամբ Ձեր սերն ու սրտացավ վերաբերմունքն է այն մղիչ
ուժը, որով պայմանավորված է Ձեր հովանավորչական գործունեությունը: Որքա՛ն
երախտապարտ են Ձեզ հայ գիտական մտքի այն բոլոր մշակները, որոնց աշխա-
տանքի պտուղները լույս են տեսել Ձեր աջակցությամբ՝ Ձեր խնայած միջոցներով:
Որքա՛ն երախտապարտ են Ձեզ այն բոլոր կարիքավոր ուսանողներն ու զոհված
ազատամարտիկների ընտանիքները, որոնց հովանավորությունն էք ստանձնել՝
ղեկավարելով «Մեծն Ներսես» բարեսիրական գրասենյակը:

Ողջ աշխարհի ապագայի հայտորդիները երախտապարտ են լինելու Ձեզ այն աշխատանքի համար, որ իրագործում եք Փարիզում հաստատված «Հայրենիք և մշակույթ» կենտրոնի գործունեության շրջանակում՝ ի նպաստ հայոց հուշարձանների պահպանմանն ամբողջ աշխարհում և խոնարհված եկեղեցիների մորոզմանը հայրենիքում:

Առանձնահատուկ սիրով են հիշվում Ձեր կազմակերպած ուխտագնացությունները դեպի Արևմտյան Հայաստան: Այդ նախաձեռնությունը տասնամյակներում քողարկված միլիոնավոր բաղձանքի մարմնացումն էր ուխտի բոլոր մասնակիցների համար, իսկ տեսածապավենի օգնությամբ ականատես բազմահազար հայրենակիցների համար՝ հեռակա հաղորդակցման հնարավորություն միլիոնական սրբությունների հետ:

Ազնիվ մտավորական, գրող, բարերար, հրատարակիչ, - ահա ոչ լրիվ, բայց խոսում այն մակդիրները, որով ամեն մի հայ հպարտությամբ բնութագրում է Ձեզ: Եվ որքան կշահեր հայ իրականությունը, եթե ամեն մի հայ աշխարհական, թե հոգևորական, իր կարողությունների չափով իբրև օրինակ վերցներ Ձեզ, առաջնորդվեր Ձեր կերպարով:

«Էջմիածին» ամսագրի խմբագրությունը շերտերն շերտերով հավաքում է Ձեր ծննդյան 60 և քահանայագործության 40-ամյակները՝ մաղթելով Ձեզ քաջաոռոջ կյանքի տարիներ և հետագա ստեղծագործական հաջողություններ:

«ԷԶՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ